

DANTZA. Klasikoa, garaikidea eta flamenkoa batuko ditu Dantzaren Izarrak jaialdiak

Dantzaren izarrak, Gaiarren

Lucia Lakarra, Marta Coronado eta Damian Muñoz ariko dira, besteak beste, gaur eta bihar

E. Elizondo | IRUÑEA

Ohitura bilakatu da Iruñean urte berriari ongi etorria dantzarekin egitea, eta hirugarrenez Dantzaren Izarrak jaialdia antolatu du Nafarroako Gobernu Kultura Sailak dantza klasikoaren, garaikidearen eta flamenkoaren esparruko dantzariekin. Tartean izanen da Lucia Lakarra zumaiaarra. Nijinski saria jaso berri du. Gaur eta bihar izanen dira emanaldiak, arratsaldeko 20:00etan.

Dantzaren Izarrak jaialdiaren orain arteko ekitaldi guztietan izan da Lakarra; pozik etortzen da Iruñera, «etxean dantzatzeko aukera gutxi» baitu, eta eskertzen du, biziki, «lagunen, senitartekoen aurrean» dantzatzeko parada edukitzea.

Bost urtez izan da Ameriketako Estatu Batuetan, azken bolarik San Franciscon; baina joan den irailaz geroztik, Alemanian da, Municheko Operako Balletko lehen dantzaria baita. «Europara itzultzeko gogoia nuen, dantzaren gunera», erran dio EGUNKARIARI.

Lakarra hasteko eta bukatzeko

Lakarra Cyril Pierre dantzariarekin ariko da Gaiarren. Biok hasiko dute gaurko eta biharko jaialdia, *Raymonda* izenburuko



LANDER FERNANDEZ ARROJABE / ARGAZKI PRESS

Dantzari batzuek atzo egin zuten entsegua.

piezarekin. Marius Petiparena da koreografia, eta musika, berriz, Alexander Glasunow musikariarena.

Lehen zatian ariko dira haien ondotik Marta Coronado eta Benjamin Boar. Etxean izanen da Coronado, iruindarra baita. The Beffies saria jaso berri du nafarrak. *RCuerda* Mizenburuko koreografia aurkeztuko dute, Coronadok berak prestatua Haien ondotik, Joaquin Ruizek

parte hartuko du, flamenko pieza batekin. Berak osatu *Solea* aurkeztuko du dantzariak.

Itsaso Alvarez dantzari iruindarrak hasiko du bigarren zatia, *Rodando* piezarekin. Dantza garaikidearen esparruan Almudena Lobonekin hasi zen, eta egun, Hojarasca Danza konpainiako kide da. Berak prestatu du Gaiarren aurkeztuko duen koreografia Axel Krygier konpositorearen musikarekin.

Damian Muñozek eta Virginia Garciak *Yo notaba la comida algo amarga* eskainiko dute gero. Carmen Corella eta David Hallberg dantzariak, berriz, *Giselle* aurkeztuko dute bigarren zatian. Coronado eta Boer ere oholtzan izanen dira berriz bigarren zatian, *A1 o A2, collage musical de varias piezas* obrarekin. Lakarrak eta Pierrek ere bigarren obra bat eskainiko dute: *La dama de las camelias*.

ZINEMA

Okzitaniako Tolosakoarekin akordioa sinatu du Euskadiko Filmategiak

Erredakzioa | DONOSTIA

Zinema eta ikus-entzunezko materiala elkartrukatu eta ekintza bateratuak antolatze asmoz, akordioa sinatu dute Euskadiko Filmategiko lehendakari Martin Ibarbiak eta Okzitaniako Tolosako Pierre Cadarsek.

2003an bi filmategien artean *Zinemaren hastape-nak Iparraldean* liburua emango dute argitara. Euskadiko Filmategian, berriz, ziklo batzuk antolatuko dituzte. Tolosako Zinemategiko materiala egongo da ikusgai, besteak beste.

Pariskoaren ondoren, Frantziako filmategi garrantzitsuenak da Tolosakoa. Mundu guztian ekoiztutako 24.500 film eta dokumentalen kopiak ditu; hala ere, erdiak Frantziako zinemari lotuak dira.

Europako Interreg III A planaren barnean, nazioarteko kooperazio proiektu bat ere egin nahi dute bi filmategiekin. Artxi-boetara era askotako sarbidea izango duen digitalizazio eta indexazio sistema bat jarriko du abian Euskadiko Filmategiak.

BERTSO SAIOA OIARTZUN

Gai Jartzailea: Josu Goikoetxea
URTARRILAK 5, IGANDEA,
ARRATSALDEKO 7etan
MADALENSORON

Euskal Herria Bizi



X. SILVEIRA



A. EGANÑA



X. LIZASO



J. MARTIN



J. MAIA



I. ELORTZA



U. ITURRIGAGA



A. ARZALLUS

BERTSO SAIOA OIARTZUN

Gai Jartzailea: Josu Goikoetxea
URTARRILAK 5, IGANDEA, ARRATSALDEKO 7etan
MADALENSORON



azken zenbakia

JAKIN 133

Gai nagusia

Euskal kultura 2002

- ALBERTO BARANDIARAN
- ANDOLIN EGUZKITZA
- TERE IRASTORTZA
- INAKI IRAZABALBEITIA
- XABIER KINTANA
- XABIER MENDIGUREN BEREZIARTU
- XABIER MENDIGUREN ELIZEGI
- JUAN IGNACIO PEREZ IGLESIAS
- ALLANDE SOKARROS
- ANDRES URRUTIA
- EGUZKI URTEAGA
- JOSEMARI VELEZ DE MENDIZABAL

Gaiak

Gure poeten piztiak. KOLDO IZAGIRRE

egin zaitetz harpidedun

Tolosa hiribidea, 103-1.C - 20018 DONOSTIA -Tel.: 943. 21.80.92 - Faxe: 943. 21.82.07 - jakin@jakingunea.com